

Razrješava se prof. dr. sci. HALID HUIĆ dužnosti člana Nadzornog odbora Javne ustanove "Prva gimnazija Sarajevo".

II

Imenuje se SUADA ISANOVIĆ za člana Nadzornog odbora Javne ustanove "Prva gimnazija Sarajevo".

III

Ovo rješenje će se objaviti u "Službenim novinama Kantona Sarajevo".

Broj 01-022-710/2000

14. novembra 2000. godine
Sarajevo

Gradonačelnik

Muhidin Hamamdžić, s. r.

Gradsko vijeće

Na osnovu člana 5. stav 1., a u vezi sa članom 56. Zakona o lokalnoj samoupravi ("Službene novine Kantona Sarajevo", br. 19/97, 22/97 i 14/2000), člana 5. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće Grada Sarajeva, na sjednici od 21. novembra 2000. godine, donijelo je

ODLUKU

O GRBU I ZASTAVI GRADA SARAJEVA

Član 1.

Grad Sarajevo (u daljem tekstu: Grad) ima grb i zastavu.

Član 2.

Grb Grada predstavlja elemente tipičnih krovova i istodobno simbolizira brda u zelenoj boji. Simbol Grada čine gradske zidine sa gradskom kapijom u crnoj boji. Donji dio grba oblikuje konfiguraciju terena - doline, kroz koju teče rijeka u plavoj boji, premošćena mostom u bijeloj boji, u kojoj je smješten Grad. Okvir grba je zlatne boje.

Član 3.

Zastava Grada je svijetlo plave boje. Položaj grba na zastavi je centriran. Zastava se može izrađivati u različitim veličinama, s tim što je proporcija uvijek 2:1.

Član 4.

Odlukom o upotrebi grba, imena i isticanju zastave Grada Sarajeva propisuju se način i uvjeti upotrebe grba i zastave.

Član 5.

Sastavni dio ove odluke je grafički prikaz grba Grada Sarajeva.

Član 6.

Danom stupanja na snagu ove odluke prestaje da važi Privremena odluka o grbu i zastavi Grada Sarajeva ("Službene novine Kantona Sarajevo", broj 6/98).

Član 7.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 05-022-436/2000 Predsjedavajuća Gradskog vijeća
21. novembra 2000. godine Grada Sarajeva prof. dr. **Mira**
Sarajevo **Jadrić-Winterhalter**, s. r.

GRB GRADA SARAJEVA

